

آبونه شرائطی

ممالك عثمانیه ده سنه لکی (۶۵)، الق
آیلقی (۳۵) غروشددر .

ممالك اجنبیه ده سنه لکی (۱۷)، الق
آیلقی (۹) فرانقندر .

اداره خانه

باب عالی جاده سنده دائرة مخصوصه

اضطرابات

آبونه بدلی پشتدر .

§

مملکه موافق آثار مع الممنونیه قبول
اولنور . درج ایدله بن یازیلر اعاده
اولونماز .



اضطرابات

رساله مزدن آلدیغی کورمک شرماله
بتون یازیلر هر هانکی بر خفته طرفه دن
اقتباس اولونه بیلیر .

§

مکتوبلرک، امضالرک واضح و اوقوناقلی
اولمسی و آبونه صره نومروسى محتوی
بولونمسی لازمدر .

§

ممالك اجنبیه ایچون آبونه اولانلرک
آدرساریشک فرانسزجه ده یازلمک و جا
اولنور .

§

پاره کوندرلدیکی، ان نه یه د ثراولدیغیک
واضعا بیلدیلمسی و جا اولنور .

اولدینی کبی ، مائزده ذلت ایچنده . دنیاسی بوقدر حقیر و پریشان اولان ملتک آخرتندنده خیر اومولماز .

ایکنجی روم مکتبته کلنجه بو، باندیرمه نیک قارشوسنده (پهراما) نام کویده در . کذا بومکتبده مسابقه ایله یاییلمشدر .

ذهنکزده تصور ایتدیگکز بو مکتبلی بزم بیلدیگمز درت طرفی کریچ طوغله سیله یاییلان کوی مکتبلینه بکزه تمیک . بومکتبلی بیکلرجه لیرا ایله وجوده کلشدر . عادتاً بر دارالفنوندر . چونکه خرسیتیانلرک، بالخاصه روملرک زنکینلری « ملتزه منفعتمز ، خیرمز ، فائده مز طوقونسون » دییه یشار وچالیشیرلر . اسلام زنکینلرینک ایسه هان هان اکثریسی ملتارینک ، دینداشلرینک سلامت و آتینسی نظر اعتباره آلیوب بلکه چوجقلرینک راحت و مستریح برسفاهت حیاتی کچیرمی آرزوسنده بولورلر .

باندیرمه نیک کوزل ، اک یوکسک بر موقعنده قتولیک جزوینلرک مکمل بر مکتبی ایله برده کلیسالی واردر . بش آلتی اسلام کنجی بوراده طلبه صقیله بولونیورلر . کذا پروتستانلرکده بوکا بکزر بر مؤسسه سی واردر .

ای مسلمان قارداشلر! بوغیور، چالشقان میسیونرلردن اولسون عبرت آلام. وطنلری، مملکتلری ترک ایدوب دین نشر ایتک ایچون لسانیه ، صریقه ، مذهبیله ، ملتیه مناسبتی اولیان مملکتلره طابور طابور کلیورلر . امللرینه ده موفق اولیورلر . بزم ایسه مملکتیزده حالا مکتب دنیلمکه لایق بر مؤسسه مز موجود دکل . مجاهده یالکز قلیجه دکلدلر . مجاهده نیک انواعی واردر . جان ایله مجاهده اولدینی کبی پاره ، مال ، قلم . . الخ ایله ده مجاهده اولور . ایشته بزر بو حقیقتدن تماماً غافل اولدیغمز ایچون کوندن کونه محو اولوب بیتیورز .

ایشته کندی مملکتیزده بیله خرسیتیانلر بزه غلبه چالیش . کرک اقتصادجه ، کرک علم و عرفانجه بزی کچمشلر . اونلرک بر دارالفنون کبی محتشم مکتبلی یاننده بزم مکتبلی مز برر سفالت قبوله سی کبی قالیر . حکومته قالیرسه ایشته حکومت بوقدر یایه بیلور . بوتون افراد ملت ایشته صاریلی درکه بوذلتدن ، بوجهالتدن قورتولالم . یوقسه بو حال دوام ایده مز ؛ بوجدلکاه حیاته ده حق ، قوتلیر کدر . ضعیفلر موقعلری ، حیاتلری قویله ترک ایتک مجبوریتنده درلر .

خرستیان مکتبلی کوردیکمز . شمدی برده بزم مکتبلی نظر تدقیقندن کچیرم : مکتب بناسنه خارجدن باقنجه مکتب اولدوغنه بیک شاهد لازم . ایچروسنه کیریلنجه نظره برلوحه سفالت عرض اندام ایدر . هر شیمزده حیاته قارشو بریقینلق ، برچوکوکلک واردر . مکتبک دیوارلری چوکوک ، معلملری چوکوک . طلبه ده برنشته حیات یوق . صوبا آلتنده عرفان تحصیل ایدیور . معلملر « اکمک پاره سنی چیقارمق ایچون بوجوجقلرک دردینه قاتلانیور . » شوق یوق ، نشته یوق ، مسلک یوق ، روح یوق . باندیرمه یه تابع مانیاس ناحیه سنک ۷۶ قدر کوی واردر . یالکز ناحیه مرکزنده بر رشده مکتبی وار . او یله ایکن مکتبده

اوقوته حق طلبه بولنیورمش . بر ذات ایله بو خصوصده براز کوروشدم . قسماً طوغری ، قسماً یا کلش تحف تحف فکرلر ایشتم . بونلری رهبران امتک نظرکاه دقتلرینه عرض ایتیه فائده لی کورییورم . زیرا بز، خلقک افکارینه هیچ اهمیت ویرمیورز . . . ویرمدیکمز ایچونده هیچ برشی یایه میورز .

- برادر ، دیدم ، بوکیدیشه حاللر نه اوله جق ! سز نیچون کندیکزی هیچ دوشونمیورسکز ؟ هرشیی حکومتدن بکله میک . حکومت کویلرده مکتب ابتدائی یایمق ایچون بیکلرجه ، بلکه ملیونلرجه لیره صرف ایتک لازم . بوسیدن دولتمزک خزینه سی صارصیه بیلور . باق ! شمدی محاربه حالنده یز . هرکون یوز بیکلرجه لیره مصرف اولیور . محاربه بتسه ده ایدیلا ن مصرفلرک آجیسی برچوق سنه لر اوزرمزه یوک قاله جقدر . اونک ایچون حکومت یایدیرسون دییه بقارسه کز سنه لرجه جهالت ایچنده قالیرسکز .

- افندی بز هم معارف ویرکوسی ویرم ، همده مکتبلی کندمز یابالم ، بونصل اولور ، هم ذاتاً چوق اوقویوبده نه اوله جق . چوجقلر مز بر پارچه اوقومه یازمه اوکر ندیمی الویرر ، فضله سنی ایسته میز . چونکه ایشته اوقویانلری کورییورز . هپ اخلاقسز اولیورلر . بونلر اوقویوبده فنا آدم اولمقدن ایسه بویله قالملیر ده ای در .

— دیمک که اوقویان آدم فنا اولور ؟ او یله می ؟

— اوت ! او یله . . ایشته حکومتده کی آدملره باقک ! مثلاً : بر ایشک دوشر . دردنی آ کلامق ایچون کیدرسک . نه دردنی دیکار ، نه ایشی یاپار . بزم اولادمز اوقویوب یازدقدن صکره آنلر کبی اولاجغنه هیچ اوقومسونده ای .

خلقه مکتبلره قارشو بر محبت ، بر ربط قلب یوق . چونکه اوفابریقه نیک چیقاردینی معمولاتی کورییور ، اولادینک او یله اولسنی ارزو ایتک شویله دورسون ، او یله اولسندن قورقیور . اوحالده محصولی اوفابریقه یه نصل ویره بیلیر ؟ بزم مکتب فابریقه لرینک معمولاتی بو حالده قالدقجه خلقده محصوللری بو فابریقه لره کتیرمکدن امتناعده دوام ایدوب کیده جکدر . اونک ایچون هر شیدن اول بز بو فابریقه لری اصلاح ایدم ؛ اخلاقی ، متدین معمولات چیقارم ؛ خلق او نی ، اوندکی مزیتی کورسون ؛ باقکزا ووقت ناصل هرکس محصولی کتیره جک ، فابریقه لره ویره جک ؛ فابریقه بوله مازسه کندیلری یایه یه مجبور اوله جقلدر . امتک کری قالمسی ، جهالتده یوارلامسی کناهنک نصفی خلقه عائد ایسه نصفی ده رهبرلره عائددر . باندیرمه : عمر قواد

سیاست

اجمال سیاسی

یونانستانله مذاکرات ، صوک حربک تسویه نتایجنده ایکنجی صحیفه یی تشکیل ایدیور . برنجی صحیفه عثمانلو - بلغارستان صلحک

عقدی ایله بتمش اولدی. شو صحیفه عثمانلو منافعی و حیثیتی نقطه نظرندن، ادرنه نك استردادندن اولکی حاله نسبتله، پارلاق برشکل آلدی. یار و اغیار عثمانلو رجال دولتنك بو مناسبتله ایز ایتیش اولدیقلری مهارت و یارارلنی متفقاً تقدیر و اعتراف ایدیورلر. خلاصه دیه بیلیرزکه بلغارستاندن نه ممکن ایسه آلدق. حتی بلغارستانده کی اسکی تبعه اسلامیه ایچون شمدی به قدر اجنبی تابعیتده بولنان مسلمانلرک هیچ برینك ده نائل و حائز اولامدیقلری حقوق و امتیازات استحصال ایدلدی. بوحال خلافت ایله عثمانلوق خارجنده ساکن مسلمانلر آراسنده کی علاقه نقطه نظرندن یکی و ازهر جهت شایسته شکران بردور آچيور.

شمدی عثمانلیق ایچون اك مهم مسئله یونانستان ایله آرامزده دوام ایدن مذاکرات صلحیه نك هانکی اساسات اوزرینه یوروتولدیکی در. آراقده يك دیگرینه تماماً ضد ایکی نقطه نظر موجود در: یونان دولتنجه یونانستانك تحت اشغالنده بولنان یرلرک مقدراتی تعین ایتیش؛ کرک ما کیدونیا، کرک آطهرلر حقنده قرارلر ویرلش؛ دوام ایدن مذاکرات اثناسنده بونلره عائد هیچ بر مباحثه آچیلمه ملی ایتیش؛ مذاکرات یالکیز تفرعات اوزرنده دوام ایتیه لی ایتیش؛ یعنی مذکور یرلرک بر کره عثمانلوق تملک و تصرفدن چیقمش اولدیغنی فرض ایدهرک یالکیز ایکی دولت آراسنده تأسس ایدهرک مناسبات آتیه نك تفرعاتی تعین ایله توغل اولونمه لی ایتیش؛

یونانیلر ایچون صوك درجه الیریشلی اولان مسئله یی اساس اعتبار. ریه حل ایدهرک صرف جزئیات و تفرعات وادیسنه دوکولن شو نقطه نظرك تأییدی ایچون یونانستان حکومتی اولا لوندره قونفرانسنه، ثابا بکرش قونفرانسنه استناد ایتك ایسته یورلر.

لوندره قونفرانسك مقدراتی ایله الیوم یونان تحت اشغالنده بولنان آطهرلرک مقدرات آتیه سنی تعین حق دول، معظمه به تسلیم ایدلش ایتیش؛ بناء علیه دولت عثمانیه ده الیوم شو مسئله یی موضوع مذاکره ایدهرمز و آطهرلردن صرف نظر ایدهرک مذاکراته دوام ایتمکه بیوک دولترک قرار قطعیرینه منتظر بولونمه لی ایتیش؛

ما کیدونیا به کلنجه شو قطعنه نك ده مقدراتی بکرش قونفرانسی ایله تعین ایتیش ایتیش؛ بکرش قونفرانسی الیوم ما کیدونیا ساحه سنده یونانستانك تحت اشغالنده بولنان بتون یرلرک یونانستانه عائدیتی قبول و تسلیم ایتیش ایتیش؛ بناء علیه شو مسئله ده دولت عثمانیه ایله یونانستان آراسنده دوام ایتمکه اولان مذاکرات اثناسنده موضوع مذاکره اولامزمش؛

یونانستان حکومتجه التزام ایدیلن شو ایکی نقطه نظرك نقدر چوروك اولدیغنی کندی کندیسنجه آشکاردر. لوندره قونفرانسی اك اول بوزان یینه یونانستان باشده اولارق بالقان دول متفقه سی اولدی. بو قونفرانسك ویرمش اولدیغنی قرارلرک کافه سی اولا مذکور اتفاق بوزولسی، ثابا بالقان دولتری آراسنه قونفرانسدن صوکره دوشمش

اولان محاربه، ثالثاً بکرش قونفرانسك ویرمش اولدیغنی قرارلر ایله تماماً آلت اوست اولدی. بتون شو واقعه لر لوندره صلح قونفرانسی کأن لم یکن برحاله کتوردی. تراکیا مسئله سی ده شو حقیقتی بالغاً مابلغ اثبات ایتدی. فی الحقیقه شو مسئله مناسبتی ایله دول معظمه لوندره قونفرانسی بهانه اتحاد ایدهرک مداخله ایتك ایسته دی، حتی بویولده باب عالی به مشترک بر نوطه ده تقدیم ایتدی ایسه ده باب عالی یوقاریده سردایدیلن مطالعات و ملاحظاته ابتناء کرک مداخله و نوطه یی رد، کرک کندیسك بلغارستانه حرکات و افعالنده سربست اولدیغنی بیان و قبول ایتدیردی. بناء علیه بیوک دولتر بیه قولاً و فعلاً لوندره صلح قونفرانسك کأن لم یکن اولدیغنی قبول ایتیش اولدیلر. یونانستان دولتنك بوکون هرکسجه متروک و منسی اولان بویه چوروك بر اساس اوزرینه استناد ایتك ایسته سی، کندی وضعیتك يك متزلزل اولدیغنی اثبات ایتمکدن باشقه بر نتیجه ویرمز. بوندن ماعدا: دولت عثمانیه آطهرلرک مقدرات آتیه سنی بیوک دولترک مقرراته تودیع ایدرکن بیه حقوق و منافعی تأمین ایدهرک بعض قیود احترازیه درمیان ایله مشدی. شو قیود و شرائطه آطهرلرک یونانستان النده قالمه سنه هیچ بر وجه ایله راضی اولامیه جغنی ضمناً بیان ایله مشدی. فی الحقیقه آطهرلر مسئله سی اوقدر مهم و عثمانلیغك آتیه سی ایچون اوقدر وخیم درکه بو مسئله یی بویه جه جفالقلم باشقه لرینك کیف و اداره سنه براقه مژدی. سواحل بحر سفیده یاقین بیوک آطهرلرک مقدراتی آناتولی غریبنك مقدراتی ایله مربوط و توأم در. بونلری يك دیگرندن آیرمق قابل دکلدر. بوکی آطهرلری باشقه سك النده براقق، آناتولی غریبی یکی بر ما کیدونیا شکلنه افراغ ایله مکدن باشقه برشی اولمز.

ایشته بتون شو ملاحظاته استناداً دولت عثمانیه ده بالعکس لوندره قونفرانسك کأن لم یکن اولدیغنی، آطهرلر مسئله سی ده ادخال مذاکرات ایدهرک طوغرودن طوغرویه یونانستانه حل ایتك حقنه مالک اولدیغنی ایلری سوریور. ذاتاً باشقه صورتله ده حرکت ایدهرمز.

بکرش قونفرانسنه کلنجه شو قونفرانسك ده ویرمش اولدیغنی مقررات حقنده یونانستان حکومتی طرفندن یوروتولن مطالعاتك تماماً چوروك اولدیغنی آشکاردر. بز بکرش قونفرانسنه اشتراك ایتمکه، آنك مقرراتی امضا ایله مه دک. بالعکس وقتی ایله یونانستان حکومتی بزى شو قونفرانسه صوقه مه یی بر مهارت سیاسیه عد ایتدی. بناء علیه بزجه مجهول اولان، مقرراتی تصدیق و امضامزه مقرون اولیان شو قونفرانس ده عثمانلیق نقطه نظرندن کأن لم یکن در. بکرش ده اجتماع ایدنلر طرفزدن هیچ بر وکالت نامه یی حائز اولمه دیقلرندن ملکمز حقنده ده هیچ بر قرار ویرمك حقنی حائز اولامزدیلر. بویه بر حرکتده بولمقه آنلر فضولی و بناء علیه بزجه هیچ بر حکمی اوله میان برایش یا ایش اولدیقلری کویستر مشلدر. عینی بکرش قونفرانسی شرقی تراکیانك ده بلغارستانه عائدیتی تحت قراره آلمشدی. نه اولدی؟ شرقی تراکیا بلغارستانك النده قالدیمی؟ بو قونفرانسی امضالامش

بولغارستان قرالی نامه :

ناظر سابق جنرال صاووف جنابری، ناظر سابق موسیو ناچوویچ جنابری،
مرخص ایلی موسیو طوشوف جنابری انتخاب ایدیلشد که مذکور الاسامی
مرخصین حائز اولدقلری صلاحیت کامله یی تبلیغ وتبلیغ ایلدکدن صوکره مواد
آتیده اختلاف ایلدملردر :

برنجی ماده

ایکی مملکت آرمسندگی حدود ، بحر سیاهده واقع (سن ایوان)
مناسرتینک جنوبده (رهزوا) نهرینک منصبتدن بدأ ایدر ، (کامل
آغا کوی) نك غربنده (پیروغ) و (دهلیوا) نهرلیله تلاق ایتدیکی نقطه یه
قدر مذکور نهری تعقیب ومنصب ایلد یوقاریده ذکر ایدیلن محل تلاق آرمسندده ،
(رهزوا) نهری اولا جنوب غربیه توجیه ، (بلاقا) یی تورکیاده براقهرق
بردیرسک تشکیل ، وبعده اولا شمال غربیه و صوکره جنوب غربیه توجیه
ایدر ؛ (مازورا) (پیروغلی) قریه لری عثمانلی اراضیسندده قایلر . (زهروایا)
نهری (پیروغلی) دن اعتباراً تقریباً بش کیلومترو قدر جنوب استقامتی تعقیب
ایلدکدن صوکره شمال غربیه دوغری بردیرسک تشکیل ، وبعده شماله دوغری
خفیف برانجنا پیدا ایدرک غربی استقامتجه تمادی ایلدر . بوقسمده (لیکودی)
(قلادارا) بولغار اراضیسندده ، (سیقنیغوری) ، (ماوردیو) و (لاوفا)
قریه لری تورکیایه قالمدهدر . بعده حدود یته (رهزوا) نهرینی تعقیب و
(طورفو چتلاک) ی بولغارستانه ترک ایدرک جنوب شرقیه توجیه ایدر ؛ و
(رادوسلاوش) قریه سنی عثمانلی طورراغنده براقهرق مذکور قریه نك تقریباً
سکز یوز مترو جنوبندن غربیه دوغری برانجنا یایار ، و (کامل آغا کوی) یی
عثمانلی اراضیسندده براقهرق مذکور قریه نك تقریباً درت یوز مترو غربنده و
(رهزوا) ایلد (پیروغ) و (دهلیوا) نهرلینک تلاق ایتدکلی برنقطه یه
واصل اولور .

خط حدود (پیروغ) و (دهلیوا) نهرلینک محل تلاقیسندن اعتباراً شمال
غربی استقامتجه وینه مذکور نهر بونجه امتداد ایدرک و (پاسالا) ، (قندیلجق) ،
(دهلی) قریه لری تورکیایه براقهرق (صوغوق صو) نك شرقنده نهایت
بولور . بوسوک قریه تورکیایه ، (سهوولین) قریه سی ایسه بولغارستانه
قالمدهدر .

خط حدود (صوغوق صو) ایلد (سهوولین) آرمسندن بعدالمرور
شمال غربی استقامتده ۶۸۷ ، ۶۱۹ ، ۵۶۳ راقلری اوزرندن کچن تپه یی
تعقیب ایدرک و ۵۶۳ رافنک اوتسندده (قاغالیق - قاپیرلیق) قریه سنی عثمانلی
اراضیسندده براقهرق و مذکور قریه یی اوچ کیلومترو شرق و شمالندن چوپره رک
(غوله ما) دره سته واصل اولور . حدود (بوله ما) دره سنی تقریباً ایکی کیلو
مترو قدر تعقیب و عین دره نك قاره بانلر (قارمباغلر) ک جنوبندن کلن دیگر
قوی ایلد ملاقی اولدینی نقطه یه واصل اولور . بونقطه تلاقیدن اعتباراً خط حدود
(تورک آلانلی) دن کلن نهرک شمالنده کی تپه لره کچرک اسکی عثمانلی - بولغار
حدودنده نهایت بولور .

یکی خط ایلد اسکی خط حدودک ملاقی اولدقلری نقطه ؛ (تورک آلانلی) نك
؛ کیلو مترو شرقنده ، واسکی عثمانلی - بولغار حدودینک (آغیری یول)
استقامتده شماله دوغری بردیرسک تشکیل ایلدیکی محله در .

حدود ، بونقطه دن اعتباراً ، طونجه نك غربنده و (درویشقا - موغ)
قریه سنک شمالنده واقع (بالابان باشی) یه قدر تماماً اسکی خط حدودی
تعقیب ایدر .

یکی خط حدود ، (بالابان باشی) جوارنده اسکی حدوددن آریله رق
خط مستقیم استقامتده (دکرمن دره) یه ایدر . یکی حدودک اسکی حدوددن آریله یی
نقطه (درویشقا - موغ) قریه سی کلیسائنده ایکی کیلومترو مسافده بولونمدهدر .
حدود (درویشقا - موغ) قریه سنی عثمانلی طورراغنده براقهدن صوکره (بولغارلنکه)
قریه سته قدر (دکرمن دره) مجراسنی تعقیب ایدر ، و مذکور قریه یی بولغارستانه براقهر
خط حدود ، (بولغارلنکه) نك شرق و جنوب کنارندن اعتباراً (دکرمن

اولان رومانیایه قرالینک عثمانلو اوردوسی ادرنه یه طوغرو یورورکن
کستخانه صاوورمش اولدینی تهدیدلر هانکی نتیجه یی بخش ایلد بیلدی ؟
اوت ! بوکی عنیدی ، کیفی ، ماهیت اعتباریله صرف غصب
وغارتدن عبارت اولان قرارلر یالکر قوه تأییدیه اوزریه استناد
ایدلدیکی حالده بر حکمی حائز اولاییلر . اگر بالفرض بالقان انذاق
باقی ، عثمانلو قوتی اولکی کبی پریشان ، ضعیف و ناتوان بر حالده
بولونسه ییدی - غضب وغارته قارشی ایسترایسته من تسلیم نفس ایتک
مجبوریتنده بولنیردی . فقط بحمدالله که بوکون یونانستان غضب وغارته
تأیید ایلد بیلجک وسائطدن محرومدر . الله بزی ایقاظ ایچون
جزالندیردی ایسه ده اسلامیتک بوقدر خوار و ذلیل اولمسه نه ده بالاخره
راضی اولمدهدی . دشمنلریمزک آراسنه القای تفرقه ، بزی ده اتحاد ،
عزم وثباته سوق ایلدهدی . بوکون فضل الهی ایلد حال و وضعیت تماماً
باشقهدر . قومیز یونانستانک کنه قاتقات فائق اولدینی کبی شو حکومتله
آرامزده قرارلشمش ، امضالشمش هیچ برشی ده یوقدر . حال حرب تعطیل
ایدلش ایسه ده باقی در . بلغارستانله ادرنه یه طوغرو یورور دیکمز اناده وضعیتمز
نه ایدیسسه بوکون ده یونانستانله اودر . نه لوندره قونفرانسی ، نه ده
بکرش قونفرانسی بزم سربستی حرکاتیزی محید ایلده من . یونانستان قدر
بزده محاربه یی آرزو ایتیمورز . فقط کندیسنی از بیلجک بر قوته مالک
اولدیمز حالده ده آطه لر و ما کدونیا کی مسائلک مذاکره و منافع عثمانیه یه
موافق بر صورتده حل ایتدیرمک حقندن ده بزی هیچ بر ملاحظه
و مطالعه و از کیره من . بناء علیه یونانستان حکومتی حقیقه صلحک عقدینی
ایسته یورسه ، محاربه نك تجدینی آرزو ایتیمورسه چوروک اساساته ابتناء
تضییع اوقات ایتمه ملیدر و دولت عثمانیه نك نقاط نظریی قبول ایدرک
آطه لر و ما کدونیا مسائلنی ادخال دائره مذاکرات ایلد مکله مسئله نك
حلی چاره سنی تهیته ایتیلدر .

احمد آغايف

وَتَأْتِيُنَا بِخَبَرٍ

معاهده صلحیه متنی

عثمانلی و بولغار مرخصلری آرمسندده امضا ایدیلن معاهده صلحیه
متنک صورت مطبوعه سی ترجمه سی در :

لوندره معاهده سنک عقدندن بری جریان ایدن حادثاتک تولید ایتدیکی
احوال ، براساس متینه مستنداً و دوستانه بر صورتده حل ایتک و ملتینک
سلامتی ایچون بک زیاده لازم اولان حسن مناسبات همجواری و دوستی یی تأسیس
ایلدک آرزوسیه حرکت ایدن ذات شوکشمات پادشاهی ایلد حشمتلو بولغار -
ستان قرالی ، بومعاهده یی عقده قرار ویرمش و بوبابده مرخصلری اولارق :

ذات شوکت سمات پادشاهی نامه :

داخلیه ناظری دولتلو طلعت بک ، بحریه ناظری دولتلو محمود پاشا ، شورای
دولت رئیس دولتلو خلیل بک ؛